

**FUNDACION MUSIC HUB ARUBA
TA LANSA "ONE TRIBE" – EDICION
PAINTBALL TOURNAMENT
UNI PA MUSICA, UNION Y SPIRITO
DI COMUNIDAD**



WWW.SOLODIPUEBLO.COM



SOLODIPUEBLO@GMAIL.COM

Prof Elzinga:

**LEY DI CONSENSO DI REINO HOFA NO TA
BON Y NO TA NECESARIO
HOFA TA MINA AUTONOMIA DI PAIS ARUBA**

**UN OPORTUNIDAD PA
CAPACITACION NA NIVEL
FINANCIERO PA PAISNAN
DEN CARIBE**



**CHAUFFEUR BURACHI CU UN
AUTO FIA SIN PAPEL A PERDE
CONTROL DAL AUTO PARA SIGUI**



FUNDACION MUSIC HUB ARUBA TA LANSA “ONE TRIBE” – EDICION PAINTBALL TOURNAMENT

UNI PA MUSICA, UNION Y SPIRITO DI COMUNIDAD

E Fundacion Music Hub Aruba ta anuncia cu gran orguyo e lansamento di su evento nobo y dinamico — “One Tribe”: Edicion Paintball Tournament — cu lo tuma luga riba dia 22 di november 2025 na Parkietenbos Paintball Field desde 3:00PM.

E evento innovado aki ta invita tur hende cu gusta aventura, musica y e comunidad henter pa pasa un dia di diversion, union, y musica en bibe, tur cu un meta significativo.

E evento aki no lo ta posibel sin e apoyo di CEDE Aruba and ‘Let’s Act Program - Empoderando participacion cultural’.

Tur e ganashi lo bay pa fortalece participacion di comunidad y pa crea mas oportunidad di presentacion enbibe pa nos bandanan y musiconan local. Tambe, e Aruba Paintball Federation lo deleita nos cu tasty bites y bebidanan.

Durante e dia, e bandanan lo tuma parti den e torneo di paintball, mientras cu otro lo toca musica enbibe riba e tarima, pa mantene e energia y ritmo na un nivel halto henter dia.

“E torneo aki no ta solamente tocante musica ni competencia — e ta tocante colaboracion, energia y participacion,” segun Ivan Díaz, Presidente di Fundacion Music Hub Aruba. “Tur encuentro ta yuda nos sigui construi mas tarima pa nos bandanan y fortalece e laso entre comunidad y musica.”

Yamada pa Ekiponan (Team) y Participacion di Comunidad

E torneo ta habri pa ekiponan di bandanan local y grupo di comunidad cu ta busca un experiencia unico pa promove union, trabou den grupo y creatividad.



Tin 12 bandanan cu a registra caba, pero ainda tin algun espacio limita pa mas participantenan. Ekiponan interesa por registra via e pagina di social media di Fundacion: Instagram y Facebook (@themusicubarubafoundation). No ta importa si bo ta un hungado competitivo of simplemente kier pasa un dia divertido, e evento aki ta promete accion, musica y bunita vibra di comunidad. Y banda di e wega, bishitante lo por gosa di actividadnan familiar, stand di cuminda local, y presentacion enbibe di algun di e talentonan mas grandi di Aruba — un celebracion real di union y musica.

Fortaleciendo Musica y Cultura Local

E fondo cu lo wordo recauda lo bay directamente pa e mision di Fundacion Music Hub Aruba, cu ta traha pa fortifica e ecosistema

musical di Aruba, incluyendo:

- Facilita oportunidadnan pa presentacion enbibe
- Suministra espacio pa ensayo y creatividad
- Organisa eventonan cultural colaborativo cu ta uni artistanan

cu e comunidad y talento den desaroyo.

Bini pasa un dia inolvidabel di union, ritmo y diversion — pasobra ora musica y union ta topa, nos tur ta bira ‘One Tribe’.

Clasificados



SOLODIPUEBLO@GMAIL.COM

CEL. 585 9500



Prof Elzinga:

LEY DI CONSENSO DI REINO HOFA NO TA BON Y NO TA NECESARIO HOFA TA MINA AUTONOMIA DI PAIS ARUBA

raccion di MEP a pidi un profesor Hulandes, pa un opinion huridico riba e ley di consenso di reino HOFA. Profesor Elzinga ta profesor emeritus na Universidad di Groningen, specialisa den ley constitucional.

Basicamente e ta duna 3 conclusion den su conseho:

1. E ley ta contra Constitucion di Aruba, pasobra ta inclui un articulo cu ta stipula cu pa cambio di ley, maske Parlamento di Aruba propone, ta gobierno di Hulanda mester duna aprobacion prome cu por cambi'e. Esaki ta viola e 'budgetrecht' y e 'amendementsrecht' di Parlamento, y no ta algo cu por wordo negocia;
2. E ley di HOFA ta mina autonomia di pais Aruba y ta duna Hulanda hopi mas poder riba Aruba;

3. E ley no ta necesario, pasobra cu e leynan y maneho actual mes Aruba ta atendiendo su finanzas publico na bon forma, y den menos di 5 aña lo yega e nivel di debe aceptabel.

Tambe Profesor Elzinga ta duna su opinion riba e documento cu a wordo firma door di Gabinete Wever-Croes 2024, cu e gobierno actual ta interpreta manera cu "Evelyn a firma caba y a mara Aruba". E profesor ta hopi cla den esaki: loke gobierno di MEP a firma na 2024 tabata un intencion di partidonan, NO un acuerdo final. E intencion ey NO ta mara ningun gobierno y sigur no Parlamento. Pues cu esaki profesor Elzinga ta bisa cu e argumento di gobierno AVPFuturo cu "Evelyn a firma caba" NO ta corecto.

Basa riba e conseho aki, Fraccion di MEP a reuni cu gremionan sindical y comercial, pa presenta e conclusionnan di Profesor Elzinga, y ta comparti esaki cu henter comunidad, pa por yuda cada cuidadano forma su opinion.

Fraccion di MEP ta gradici profesor Elzinga, cu hunto cu profesor Nicolaï, y mas profesornan local y Hulandes, tur ta di e mesun opinion: HOFA no ta un bon ley, e no ta bon pa Aruba y su desaroyo y no ta necesario!

Les a conseho completo di Profesor Elzinga aki:

https://issuu.com/partidomeparuba/docs/advies_prof_elzinga_-_consensusrijkswet_hofa?fr=sZGQyYTg3NzYzNDg

SNBA TA COMPARTI VISION PA SAN NICOLAS CU GABINETE AVP-FUTURO

Diabierna mainta den Sala di Conseho di Minister, Gobierno di Aruba a tene un encuentro cu representantenan di San Nicolas Business Association (SNBA).

Errol de Freitas, presidente di SNBA a keda satisfecho cu e reunion aki. Durante e periodo di formacion di Gabinete AVP-Futuro, SNBA a entrega e draft di nan vision na e formadonan y a pidi gobierno pa yuda SNBA trek e diferente proyectonan pa San Nicolas.

Segun de Freitas, e vision di SNBA y Gabinete AVP-Futuro ta bon alinea mirando cu e acercamento cu entre otro Minister Wever di Finansa, nunca



a cambia y ta conta cu e sosten for di e tempo di formacion caba. "E ta un continuacion stabiel y mi ta sinti cu e reunion a bay hopi positivo den e sentido cu ta sinti e commitment na mesa cu ta hopi importante". "Playa ta practicamente organisa, nan tin 15 mil kamber y nan tin un economia, pero mester balansa e cos aki y e gobierno aki sa

exactamente kico mester haci".

E proyectonan di Farmer's Market, Carubbean, revitalisacion di Bernhardstraat etc ta bon proyectonan cu tambe ta inclui den e vision di SNBA, pero ta bon pa considera pa trece bek incentivanan fiscal manera tabatin antes, pa duna e empresanan un sosten pa inverti y mehora



nan negoshi. De Freitas ta hopi optimista paso na final di dia, na San Nicolas sempor

por haya algo cultural y autentico locual mester trece bek.

CEDHM A TENE SU FAMOSO RED TENT ARUBA CU SUPER BON ACOGIDA



CEDEHM pa luna di oktober 2025 ta tin su famoso Red Tent Aruba cu a tuma lugá dia 15 oktober 2025 cu sesion # 6 un Special Edition enconexión cu "World Menopause Day 2025" cu ta dia 18 oktober 2025. E topico di World Menopause Day e aña aki ta " Lifestyle Medicine", raising awareness of menopause and support options available of improving health and well-being.

Un danki special y di curason ta bai na e 4 oradornan cu a duna un tremendo workshop di Menopausa.

Na sra. Nadine Krosendijk cu a papia tocante

Perimenopause. Na Sra. Shamilla Williams cu a papia tocante menopausa na trabao, na Sra. Maria Camila Cubillos cu a papia tocante Salud mental y menopausa. Y pa clausura e anochi sra. Bettina Maduro a papia tocante Postmenopausa.

Un total di 60 hende muhe a participa na e workshop y a haya hopi informacion valioso y alcaso. Nan a haya oportunidad pa hasi pregunta y comparti cu otro.

Quote: " Who said menopause is the end of the line? It's actually a fresh start- a time to bloom, to rediscover yourself, and to enjoy life to the fullest"!!!



CENTRO DI BARIO NOORD SU SERIE “BAN PAPIA SALUD” CU TEMA MENOPAUSA

NOORD, Aruba — Centro di Bario Noord ta sigui cumpli cu su mision pa fortalece bienestar y union den nos comunidad cu e lansamento di un serie nobo di charla di informacion y educacion di salud, titula “BAN PAPIA SALUD.”

E iniciativa ta nace for di un deseo di empodera nos habitanten cu conocimiento esencial tocante salud fisica, mental y emocional, y ta un parti importante di e compromiso di Centro di Bario Noord pa promove un estilo di bida saludabel y un comunidad mas fuerte.

E serie ta wordo facilita pa Dokter Aveline Figaroa, un profesional di salud cu hopi aña di experiencia den e area di medicina y bienestar. Durante e charla, Dokter Figaroa ta comparti informacion practico, orientacion util, y conseho basa riba evidencia científico pa yuda cuidadanonan di tur edad cuida miho di nan mes.

E prome sesion, cu a tuma luga den September, tabata titula “Fundacion Vital”, y a conta cu un asistencia positivo di varios habitanten di Noord y Aruba. E charla a cubri temanan manera e importancia di prevencion, movimiento, alimentacion saludabel y manejo di stres — un base vital pa un bida saludabel.

Awo, Centro di Bario Noord ta invita tur hende pa participa den e di dos sesion di e serie “BAN PAPIA SALUD,” cu ta trata un tema sumamente importante pa bienestar di hende muhe:

“Menopausa.”

Fecha: Diahuebs 23 di oktober 2025 Orario: 7:00 PM – 9:00 PM Lugar: Centro di Bario Noord
Durante e sesion aki, Dokter Figaroa lo amplia riba e tema di menopausa — un etapa natural den bida di cada hende muhe. E lo splica con ta identifica e cambionan di e curpa y di mente, con pa maneha nan di forma natural, y con pa buska sosten medico y emocional durante e proceso aki.

E prome dos sesionnan ta solamente e comiensa di un serie mas amplo, cu lo inclui hopi topiconan relevante manera:

- Salud mental y bienestar emocional
- Nutricion y actividad fisica
- Prevencion di malesa cronico
- Importancia di control preventivo

Centro di Bario Noord ta invita tur ciudadano — tanto homber como muhe, hoben y mayor — pa keda pendiente y sigui e serie aki cu regularmente lo sigui bira un plataforma di aprendizaje y union comunitario.

“BAN PAPIA SALUD” ta patronisa pa CEDE Aruba su iniciativa di “BarioUnico.” Pa mas informacion, contacto Centro di Bario Noord via tel. 568-2935, y sigui nos riba Facebook pa update di e proximo sesionnan. Hunto nos ta construi un comunidad mas fuerte, felis, y mas saludabel.



MAS ORA DEDICANA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos SANTA CRUZ BRANCH pa asina sirbi bo miho.

SANTA CRUZ BRANCH

Diasabra 25 di october, 2025 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por fabor tuma contacto cu nos.

(+297) 522-3000 Dialuna - Diabierna: 8AM-8PM • Diasabra: 8AM-1PM | cmbnv.com | [Facebook](#) [Twitter](#) [Instagram](#) [LinkedIn](#) bobancoamigo@cmbnv.com

UN OPORTUNIDAD PA CAPACITACION NA NIVEL FINANCIERO PA PAISNAN DEN CARIBE

Presidente y Tesorera di Comité Olímpico Arubano ta atende Finance Workshop di CANOC



Durante e weekend aki na Georgetown- Guyana tin un tayer di dos dia cu yama "Olympic Solidarity Financial Management Workshop" unda tur pais cu ta forma parti di e

"Caribbean Association of National Olympic Committees" (CANOC) por participa. Aki dirigenten di cada pais miembro a reuni pa trata temanan manera fortalece

gubernansa financiero y responsabilidad y liderazgo den e movimiento di deporte den Caribe. Apoya door di Panam Sports y Olympic Solidarity, e tayer di dos dia aki ta duna e participantenan e tools y conocimiento necesario pa garantiza transparencia y sostenibilidad den maneho financiero.

Presidente di Comité Olímpico Arubano (COA) Wanda Broeksema y Tesorera Marilyn Ellis ta participa den e tayer aki, como ta mira e gran importancia di tin e

conocemento necesario pa percura un bon maneho financiero pa COA. Presidente Wanda ta duna di conoce di ta contento pa mira e tipo di tayernan aki wordo ofreci

door di e organisacionnan regional pa asina tur pais miembro den Caribe por traha na mehora nan nivel di maneho y crea union den e paisnan den region. #TEAMARU

Clasificados

SOLODIPUEBLO@GMAIL.COM
CEL. 585 9500

SOLO De Pueblo

CHAUFFEUR BURACHI CU UN AUTO FIA SIN PAPEL A PERDE CONTROL DAL AUTO PARA SIGUI BAY DRENTA DEN UN CAS NA MADIKI!



Diadomingo merdia a dreña informe di un accidente unda un chauffeur burachi a subi acera dal auto staciona sigui bay dal muraya di cas dreña den e cas banda di un persona di edad sinta, mesora a dirigi tanto polis como ambulans na Madiki. Na yegada di e patruya mesora a detene e chauffeur kende tabata

burachi y a confisca su auto cual ta un Honda Fit fia y no por a mostra ningun papel cu nan ta na ordo. Un ambulans a ser pidi pa un persona di edad cu tabata den e cas ora e accidente a tuma lugar y a presencia e susedido aki. Na yegada di e ambulans nan a atende e persona di edad slachtofferhulp y D.O.W. a presenta.

PREPARACION PA OTRO SIMAN BAKI DEN BARIO RIBA VELD DI ARSENAL

Diasabra mainta tempran Prome Minister Mike Eman hunto cu e team di Baki den Bario a tene un conferencia di prensa anuncia e siguiente localidad pa e accion di Baki den Bario. Un esfuerso cu gobierno hunto cu diferente departamento/instancia ta haciendo pa logra brinda e comunidad e oportunidad pa deshaci di desperdicio tanto di cas como comercial.

E biaha aki, a anuncia cu Veld di Arsenal, na Santa Cruz, lo ta disponibel y prepara pa ricibi tur esnan cu lo haci uzo di e bakinan cu lo pone. E mandatario e menciona cu ta concretizando e solucion di baki permanente den diferente area di nos isla,

pero mientrastanto ta mantene e Accion di Bario, cual lo intensifica den transcurso di e lunanan nos dilanti.

Ta gradici no solamente e team, pero esfuerso di companianan manera EcoTech cu a bin ta compaña y asesora e accion di Baki den Bario, como tambe señor Morillo di Veld di Arsenal cu a pone e espacio aki disponibel.

E reto di desperdicio ta uno hopi grandi, despues di e situacion cu a crea door di a cera e dump na Parkietenbos sin trece solucionnan structura y sostenibel. Esaki a haci cu gran cantidad di comunidad no tin manera financieramente pa



deshaci di nan desperdicio residencial.

E accion di Baki den bario lo tuma luga otro siman diasabra, 28 di october riba Veld di S.V. Arsenal na Angochi Santa Cruz, cuminsando tempran mainta. Pa 7:00 am tin miembronan di Baki den Bario presente caba pa dirigi e fluho riba e veld.

Ademas di contribui cu e veld como localidad pa e proximo accion, a yega na e meta tambe pa revitalisa e veld y cuminsa prepara esaki pa asina e por ta operacional un biaha mas. E veld tin aproximadamente dos aña cu e no ta activo, y lo tin mester di mantencion

inmediato. E tribuna cu den gabinete anterior a keda instala ta den mal condicion pero pronto lo mira restauracion. Esaki ta conta tambe pa iluminacion y e resto di trabou grandi cu tin pa haci pa asina mira e veld aki bek den condicion optimal.

MINISTER GERLIEN CROES TA SIGUI REUNI CU SECTOR PRIVA IMPULSANDO INNOVACION DEN GOBIERNO



ORANJESTAD, 17 di october 2025 - Minister di Innovacion, mr. Gerlien Croes, ta sigui identifica oportunidadnan pa intensifica colaboracion cu

empresa y stakeholdernan clave den area di innovacion. E obhetivo principal ta pa promove desaroyo digital den aparato gubernamental pa

logra un servicio publico mas eficiente, accesibel y moderno.

Recientemente, Minister Gerlien Croes a tene un

reunion cu Scispecs, un empresa specialisa den arkitektura digital y structura di proceso. E dialogo a concentra riba e structuranan di servicio y proceso interno, y riba posibilidadnan pa simplifica y digitalisa nan, pa aumenta eficiencia y transparencia. Tambe a elabora riba proyectonan ya caba den ehecucion den departamento di enseñansa.

E enfoka ta sirbi como base metodologico pa

implementacion futuro den otro instancianan di gobierno. Esaki ta garantiza cu cada paso den transformacion digital tin un fundeshi solido y ta yega e resultado optimal: servicio mas simplica, eficiente y adaptabel pa e funcionarionan cu ta ehecutanan.

Minister ta mira padilanti pa amplia colaboracion cu mas empresa y stakeholdernan, den marco di un strategia nacional pa innovacion y digitalisacion.

ACF: E COMPLEHIDAD DI MANEHA IMPACTO DI BISHITANTE NA MANGEL HALTO

Como e organisacion di maneho di Aruba su areanan protegi terrestre y marino, Aruba Conservation Foundation (ACF) kier elabora riba e proyecto di renobacion cu a wordo conduci riba e palapanan existente na Mangel Halto.

Un di e desafionan creciente y compleho di nos tempo ta maneha e balansa entre turismo y conservacion di naturalesa, specialmente ora cu ta bin na e impactonan social y di medio ambiente di infraestructura di bishitante, manera e renobacionnan na Mangel Halto.

Mangel Halto mas y mas ta birando un area hopi bishita pa local y bishitantenan di afo y e subida den bishitante ta representa menasanan mas grandi ainda ariba e medio ambiente y e comunidad den e area. Den e ultimo lunanan, ACF tawata den contacto di cerca cu varios di e representantenan di e comunidad di Mangel Halto kende a trece dilanti nan preocupacionnan, cu ta inclui e situacion di deterioracion di e palapanan, pero no limita na esey so.

E renobacion di e palapanan y gazebonan na Mangel Halto ta parti di un colaboracion mas amplio entre Aruba Tourism Authority (A.T.A.), primordialmente dirigi na reduci e impacto humano riba e sitio ecologicamente sensitivo akinan, y asina maneha bishitantenan activamente y crea espacio pa naturalesa. E renobacion na Mangel Halto a cuminsa na november 2022 como parti di un proyecto multi annual bou di e gabinete anterior na areanan di Boca Catalina, Mangel Halto y Rodgers Beach, financia pa A.T.A., maneha pa un empresa ingeniera contrata, den colaboracion cu ACF pa recomendacionan medio ambiental.

E obhetivo di e proyecto di Mangel Halto ta pa responde na e necesidadnan di naturalesa, e comunidad di Mangel Halto, y bishitantenan di e area, pa renoba e palapanan deteriora riba lama y riba e costa, e brug, e trapi, y ultimamente e dek, den un manera cu ta mas alineada na metanan di conservacion y sostenibilidad a termino largo.

Fase I a encera e reemplazo di palapanan existente riba beach cu gazebo pa asina miho maneha e fluho di bishitante asina respondiendo na e cantidad di bishitantenan na Mangel Halto. E aumento grandi di bishitante local y internacional na e area akinan a causa

hopi daño na e mangelnan pasobra personanan tawata bay den e mangelnan pa asina busca sombra di solo, asina destrosando habitat di por ehempel e soldachi (Fiddler Crab), ta colga tasnan y serbete na e ramanan di e mangel, y ta laga atras mas sushi ainda den e raiznan di e mangelnan.

Fase II, cu a cuminsa na januari 2025, cu e reemplazo di palapanan existente riba e costa cu a wordo completa luna pasa.

Pa fase I y fase II, e proyecto a tuma lo siguiente den consideracion prome cu ehecutacion:

- A reduci e number total di palapa, y no a bin cu mas palapa.

- A kita e structura redundantante.

- A realoca e palapanan pa areanan menos ecologicamente sensitivo: a kita palapa di area unda cu tin mata ta crece pa asina mester stop di corta e mata y laga vegetacion natural pa regenera, trahando mas especio pa naturalesa.

- A realoca e palapanan riba costa mas leu di e liña di costa pa reduci e chens cu sushi ta cai dibiaha den lama.

- A restaura habitat costal door di crea mas espacio na e costa pa especienan costal manera e Sternchi of Bubi por unabes mas cuminsa usa e costa pa broei den futuro. Por observa caba Sternchinan den e area.

- A diseña e palapanan cu un fundeshi fuerte y solido pa por wanta e biento costal fuerte y asina garantiza e siguridad di bishitantenan, mientras a incorpora cu e parti ariba di e palapa por facilmente wordo mateni sin mester atrobe stroba e fundeshi of e naturalesa cu ta rond di e palapa.

Mescos cu tur otro proyecto cu ACF ta involvi aden, esfuersonan activo ta wordo haci pa por involucra stakeholders, y pa e proyecto akinan, ACF a sigura di involucra e comunidad di Mangel Halto. Localidadnan di e palapanan a wordo escoge cu sugerencia y den presencia di representantenan di e comunidad.

Tumando den consideracion e complehidadnan akinan, ta un momento curcial pa nos para keto y refleha con, hunto cu e gobierno nobo ta bay maneha e infraestructura y actividadnan turistico, y nan impacto riba naturalesa. Bayendo dilanti, ACF como un organisacion di maneho di conservacion ta keda comprometi na tuma e pasonan necesario pa fortalece protocolnan y sigura cu un sorto di Evaluacion di Impacto Ambiental (EIA) ta central na tur



proyecto, carga pa ACF of haci den colaboracion cu ACF. Como parti di e compromiso aki, tur palapa y gazebo lo tin regla, regulacion, y mensahenan cu ta enfatisa e balor di naturalesa integra como parti di nan structura locual cu ta hacie mas facil pa usuarienan por compronde y adopta comportacion responsabel den e area akinan.

Mientras cu tur esfuerso a wordo haci pa cumpli cu e consideracionan medio ambiental, tambe a haci esfuerso pa integra e necesidad di ambos naturalesa y e ser humano. E momento aki ta pone enfasis riba e complehidad di un realidad mas amplio y urgente. Aruba mester defini con e lo maneha turismo y su impacto riba naturalesa awo y den futuro. Di palapa, pier, y actividadnan di recreacion, persigui balansa ya no ta un opcion mas, e ta esencial den e contexto di cambio climatico, un poblacion cu ta sigui crece, perdida di biodiversidad, y e number di bishitante pa nos isla cu tambe ta sigui crece.

Conservacion di naturalesa no por wordo haci door di ACF so. Nos ta conta riba e comunidad di Aruba pa ta e wowo y e ocreanan di naturalesa hunto cu nos y avisa di cualkier problema na momento cu e ta pasando. E naturalesa aki ta di nos tur y ACF semper ta habri pa cualkier persona trece su preocupacionan of preguntanan dilanti, of duna feedback critico pa asina accion por wordo tuma den e momento y no despues.

FORTALEZA PA FAMIA

Scirbi pa Pastor Marcel Balootje.

COS BON TA SALI FOR DI UN BON CURASON

Un bon curason nunca ta defende malicia, maldad y immoralidad.

Un bon curason ta enemigo di envidia y falsedad.

Un bon curason semper ta acepta coreccion y no ta rebeldia.

Un bon curason ta proclama berdad y decencia.

Un bon curason ta stima y ta cuida interes di otro.

Un bon curason ta puro y berdadero, yena cu amor y humildad.

Ta boca di hende ta revela kico tin den nan curason pasobra e palabra di Dios ta bisa:

E bon hende for di e bon tesoro di su curason ta saca loke ta bon. Y e mal hende for di e mal tesoro, ta saca loke ta malo, pasobra for di abundancia di curason boca ta papia.

Cara bunita no por sconde un mal curason, hopi estudio no por sconde un mal curason, hopi placa cu smile bunita no por sconde un mal curason.

Ora un curason ta malo, e mes ta reda su mes, door di su actitud, y su moda di papia malo y veng a paga malo cu malo.

Pa motibo di mal curason



hopi hende ta perde oportunidad den nan bida, pasobra nan kier veng a y desea malo pa otro.

Hende di mal curason ta uni cu otro mescos cu un grupo di hyena, pensando solamente con ataca nan prohimo y hopi biaha haciendo uso di scuridad.

Nos hubentud mester tene cuenta pa cay den gara di hende cu mal curason of asocia cu hende di mal curason y hende perverso.

Curason di hende por wordo danja completamente ora nan no tin temor di Dios, ora nan no kier reconoce Dios (Romanonan 1:28-32). Ora perversidad ta domina y palabra di Dios ta wordo troce.

Bendiciona ta esnan di curason puro, pasobra nan lo mira Dios. (Mateo 5:8).

Stima Senyor bo Dios cu henter bo curason, y cu henter bo alma y cu henter bo mente, y cu tur bo forsa. (Marco 12:30).

Un curason trankil ta bida pa e curpa, ma envidia ta putrimiento di weso.(Proverbionan 14:30)

Un curason contento ta un bon remedi, ma un spiritu abati ta seka weso.(Proverbionan 17:22).

Bendiciona ta e hende cu semper tin temor, ma esun cu haci su curason duro lo cay den calamidad.(Proverbionan 28:14).

Un bon curason ta e fundeshi di fieldad na Dios y na hende, un bon curason ta expresa fe y

confiansa den Dios. Un bon curason ta yena cu speransa y confiansa den Dios Todopoderso.

Un bon curason ta duna indicacion di amor familiar, caminda mayor ta haci tur esfuerso pa lanta nan yuinan den bon ambiente y den un educacion firme y

berdadero..

Bon curason no ta uni cu maldad, bon curason no ta traiciona hende, pero e ta cla pa bay gera pa husticia por tuma lugar.

Pesey e palabra di Dios ta bisa den Proverbionan 4:23: Warda bo curason riba tur cos, pasobra e ta e fuente di bida,

Warda bo curason for di envidia y falsedad, for di orguyo y arrogancia, for di amargura, pasobra amargura ta contagioso e por danja henter un famia.;

Pasobra for di paden for di curason di hende, ta sali mal


pensamento. fornicacion, la dronicia, matamento, adult erio, hechonan di cudishi, y maldad. Tambe enganjo sensualidad, envidia, calumnia, orguyo y bobedad, tur e maldanan aki ta sali for di paden y ta contamina hende. (Marco 721-23).

Dios ta wak tur curason, y E sa ken ta di dj'E. Curason di hende ta den man di Dios, E tin e ultimo palabra den tur curason.


Laga bo curason bati sla di amor, y no permiti maldad y immoralidad goberna bo curason.

Sinceramente , Pastor Marcel Balootje.

CROSSWORD WORD SEARCH PUZZLE



Fruits



Across

3. A big fruit you eat in the summer.
5. What fruit do monkeys like?
6. A red fruit.

Down

1. Purple fruit.
2. A small red fruit.
4. _____ juice.



FUNDACION MOVEMENTO TA BIDA SONG FESTIVAL Y FIESTA BAILABEL

DIADOMINGO, 2 DI NOVEMBER 2025

Daphny Kelly Martijn



Mi Mes Kier Pa Bo Bai

Brigida Croes



Te He Prometido

Fundacion Movimento ta Bida ta organisando e Song Festival 60 plus y su fiesta bailabel, diadomingo 2 di November venidero. Esaki ta tuma luga na Renaissance Convention Center y ta cuminsa for di 4:00 te cu 9:00 pm. E aña aki tin 12 participante cu

un variacion den cantica y estilo. Preparacion y ensayo ta tumando luga tur siman cu hopi disciplina y dedicacion. E banda musical cu lo acompaña e cantantenan ta "Nos cu Nos". E Song Festival aki ta un fundraising annual pa inverti bek den

projectonan cu tur aña ta ripiti. E grupo di adulto mayor na Aruba ta creciendo enormemente. Fuera di fundraising e ta caba cu un fiesta bailabel pa los pia y pasa poco ora alegre den movcion. E otro banda musical ta We & We bou guia di Wiwi Peña. Forma bo grupo y cumpra 1 mesa pa 10 persona. Carchi ta costa Afl. 35,00 pp. Por acudi na Clifffix pa cumpra carchi of na Oficina di Fundacion Movimento ta Bida (Edificio di IBISA) na Eagle. Benta ta bai bon y nos ta spera di bende tur carchi. Un sala yen ta un recompensa y apoyo grandi pa e cantantenan.

Check nos FB page Fundacion Movimiento ta Bida pa keda informa di tur nos eventonan, projectonan, workshops, caminata den naturalesa y mucho mas prome cu 2025 yega na final. Pa mas informacion por yama of whatsapp na 563-4360. Por ultimo FMTB ta gradici Directie Ouderen Zaken, UNOCA, Buurtzorg y BENU Pharmacy pa cu e sosten di e Evento aki. Masha danki!

José Orman



Di Mi Bo Ta

Jacinta Ridderstaat



Mi Orashon

Victoria Andrews



Come What MAY

Persey Jeandor



Maravillosa

BIBLOTECA NA SCOL! MINISTER GERLIEN CROES TA FELICITA SCOL SOEUR JULIETTE Y COLEGIO SANTA TERESITA CU NAN LOGRO



ORANJESTAD, 17 di october 2025 — Cu hopi orguyo y felicidad, Minister di Educacion mr. Gerlien Croes a forma parti di dos inauguracion den nos sector educacional: e apertura di e biblioteca “Bichi Sabi” na Scol Soeur Juliette na Santa Cruz y e apertura di e biblioteca “Bukilandia” na Colegio Santa Teresita na San Nicolas.

Despues di añanan di dedicacion, plan y esfuerso colectivo di docentenan, personal di scol, alumnonan, y comunidad, e dos scolnan aki finalmente tin nan propio espacio pa stimula lesamento, imaginacion y amor pa conocimiento. E iniciativa aki ta un reflejo di compromiso pa fortifica lesamento y estimulacion di creativa

for di un edad hoben.



E bibliotecanan no ta solamente un luga pa lesamento, pero un rincon di inspiracion unda mucha por soña, descubri y amplia su mundo yena di aventura. Minister Gerlien Croes a expresa su aprecio pa tur esnan cu a contribui pa logra esaki, destacando cu “cada buki ta un bista nobo riba mundo, y cada scol cu un biblioteca ta mas cerca di forma un generacion

cu ta pensa critico y cu ta stimula pa siña”. Un felicitacion special na tur dos e scolnan, cabesante, docente y fundacionan concerni manera Quota Club cu e yuda lidera un di e proyectonan aki, esaki ta gran logro educativo. Hunto nos ta traha pa un futuro unda lesamento y conocimiento ta e base di un comunidad fuerte y inspira.

LEY CU TA LIMITA UZO DI PRODUCTONAN DI TABACO

PROTEHANDO SALUD PUBLICO

6 Ta prohibi pa vende of duna produccionan di tabaco na personanan bou di 21 aña

SOLO Di Pueblo

ARUBA LIBER DI TABACO

HALA ROSEA LIBREMENTE

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Tristes a bati na nos porta dia 14 di Oktober 2025, mainta tempran, ora cu nos dushi y bunita Mama a pega sonjo profundo y wordo hiba den brasa di su bon Dios, su Creador di amor cu nunca a faye. Ayanan, unda no tin sufrimento ni dolor. Ayanan, rondona pa

santonan y angelnan cu alegria, gozo ,paz y amor. Dios su fieldad grandi tawata cu mi Mama semper den bon y den malo. Mi Mama su fe tawata den tur cos henter su bida largo di 89 anja. Nos ta asina bendiciona di tawata tin nos Mama cu nos henter nos bida di te cu awor, cu mi 68 anja di edad. Lady Ruth tawata bisa semper, tur hende ora e bay un entierro, cu, nos tur tin cu bay ayanan un dia y nos no sa ki dia, na unda y kon. Y awor e turno a toca mi bunita y dushi Mama. Mercedes Petronilia Bergen Tromp. Nos Mayo. Cu su nombrenan di carino Chedy, Chely, Tia Chede, Merce y Mayo pa su nieto, nietanan, bisa nieto y bisa nietanan y amigonan cu a conose nos Mayo. Nos

ta sinti hopi dolor na nos curason y segun e dianan ta yegando mas serca di e dia di entrega su curpa bek na Dios , su alma precioso cu ya ta serca bon Dios, nos ta sinia conforma nos mas y accepta e boluntad di nos bon Dios na tera como na shelo. Mama a bay sosega den e luna y e siman di nos Papa su di 93 cumpleanos. Diasabra dia 18 di Oktober nos tawata hunto den famia pa a demonstra na Papa, cu nos ta duna danki pa Papa su bida tambe awor cu mas amor cu e amor di su bida pa ya 72 anja no tey bandi dje mas fisicamente, pero awor den mente, alma y curason. Nos lo recorda nos Mama, wela, bisawela, suegra, ruman, tia, y bon bisinja pa tur, un bon amiga cu su bon consehonan den nos dianan nos dilanti y mas. Tristes a bati na nos porta y na nos curason, pero nos ta sigui duna bon Dios danki pa tur cos den tur cos, manera nos Mama a sinia nos. Cu su cantica preferi : "Ma mi sabi den ken mi fe ta " .Y e les mas grandi cu nos a sinja di Mama : Comparti cu bo prohimo, sharing and caring . E tawata e ehempel firme y bibo di esaki pa su 11 rumannan, e como e mayor a cuida, stima y duna tur locual e tawata por cu amor ! Nos, su 4 yiunan, Roy ,Ro ,Lucky y ami, Ruthy, y tur su nieto y nietanan, bisa nieto y bisa nietonan ta bisa Mama, Mayo, danki ! Pa semper den nos curason ! Nos ta tuma despedida di e curpa di Mama dia 25 di



Oktober, Diasabra, mainta di 9 am pa 11 am na Royal Funeral Home. Nos ta gradicido pa su bida di 89 anja, yena cu su mesun lesnan y experiencianan y hopi bendicion, biahenan pa Hulanda, Canada , Merca y Venezuela y Corsouw tempo nan aya ora e curpa tawata duna y tur e islanan den Caribe cu nos a bay hunto riba crusero varios biaha. Su dushi momentonan di hunga domino den su team di damas anjanan pasa y sali campeon. Su dushi momentonan , cushinando cumindanan

dushi crioyo mientras e tawata canta den cushina . Pero mas, su dushi momentonan di hari y conta chistenan, cosnan pret. Ta di mi Mama Lady Ruth a hereda esaki cu ela trese y presenta den su One woman show varios biaha. Mama tawata un persona alegre cu hopi fe. Danki Mama, pa tawata un bon esposa pa nos Papa y un bon Mama pa nos semper ! Nos lo no lubida Mama nunca ! Dios a duna, Dios a tuma. Drumi dushi Mama, sosega na paz den lus eterno .







Clasificados

SOLODIPUEBLO@GMAIL.COM

CEL.585 9500

SOPI DI LETRANAN



HALLOWEEN

C	E	R	T	M	Q	I	F	E
Z	A	U	T	R	A	T	O	S
P	R	L	V	E	M	I	X	Q
R	A	E	A	R	D	C	O	U
A	Ñ	A	M	B	L	N	B	E
J	A	I	P	I	A	E	V	L
U	C	M	I	T	D	Z	S	E
R	A	O	R	O	R	P	A	T
B	I	M	O	T	R	U	C	O

CALABAZA
VAMPIRO
ESQUELETO
BRUJA

TRUCO
TRATO
ARAÑA
MOMIA

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
7			9		2			
5				7				
				4	5	7		
			1				3	
		1					6	8
		8	5				1	
9						4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Oracion di dia

Un feliz comienso di weekend colma cu hopi amor y bendicion di Dios.

Stima Señor, bo Dios, di henter bo curason, cu henter bo alma, cu henter bo mente, y cu tur bo forsa. E di dos mandamento mes importante: "Stima bo prohimo manera cu bo ta stima bo mes. No tin ningun otro mandamento cu ta mas importante cu esakinan." (Marco 12, 30-31)

Dios a crea bo segun su imagen, a duna bo e mesun capacidad pa stima, a supla den bo e mesun rosea di amor. Si bo ta cristian, bo tin cu tuma e antorcha di amor for di Cristo, charge cendi durante henter bo bida, y pase despues na bo yiunan, na bo amigonan y coleganan. E antorcha di amor aki tin cu pasa di man pa man, tin cu cende cas pa cas, ilumina curason pa curason y mente pa mente. Scuridad tin miedo di e antorcha di amor aki. Unda e antorcha aki ta cendi scuridad ta dirti bira nada, manera pida ijs. T'esaki ta amor: no ta nos a stima Dios prome, sino t'E a stima nos y a manda su Yiu pa E bira sacrificio pa pordon di nos picanan. (1Huan 4,10) Solamente ora bo ta descubri e tesoro cu ta den bo paden cu yama amor y solamente ora bo ta entrege na otro, lo bo ta feliz.

Oracion: Señor guia mi y proteha mi den Bo cosnan di haci di tur dia. Pa bo Amor ta semper hunto cu mi. Bo promesa ta real! No obstante ki tribulacion mi haya mi aden, mi sa cu Dios no ta laga mi bandona, den number di Hesus di Nazaret. Amen.

NO PARTICIPA NA NINGUN ACTIVIDADNAN DI HALLOWEEN

E actividadnan di Halloween a origina for di hopi siglonan pasa, for di Inglatera na e islanan Britanico. Den realidad den e tempo ey, Halloween ta un ceremonia satanico di e druidesnan, nan ta satanistanan y awendia nan ta wordo yama celticsnan y ariba 31 di oktober nan ta haci nan ceremonianan di "human sacrifice". Nan ta scohe nan victimanan den rapto, den secuestro etc.. E tradicion satanico aki di Halloween a wordo pasa pa Merca y Europa pa medio di imigrantenan. Halloween ta un festival di e celticsnan tambe yama samhain y awendia e ta wordo organisa pa esnan cu ta miembronan den ocultismo y esnan den organisacionnan satanico,

esnan den illuminatienan, esnan den New Age etc. Tur e gruponan aki, tin nan simbolonan y nan pentagramnan diabolico y bo por reconoce nan awendia. Den luna di oktober na Merca, na Europa y na otro paisnan, hende y muchanan ta desaparece of secuestra y nunca mas nan ta aparece. Halloween ta dianan di fiesta pagano. No participa na ningun eventonan di Halloween, pa bo no ta complice y culpabel di loke ta pasando na mundo y pa bo no apoya nan actividadnan di fiestan di disfras. Pasobra na Aruba tambe tin diferente di esnan cu ta den organisacionnan diabolico bao di un capa, pa nan no wordo descubri cu nan ta satanista y den

nan asamblea nan ta adora diferente diosnan pagano y satanas "himself". No participa na ningun eventonan di Halloween, pa cu inocentemente bo ta bira complice di nan actividadnan, pasobra bo ta gusta nan ambiente, nan "trick and treat bags", nan fiestan, nan disfrasnan etc. y asina bo ta bira simpatisante di e demonionan. Hendenan ta tuma un cultura y tradicionnan diabolico pagano di otro paisnan y sin pensa ta kiko e ta significa? Hendenan desvia, nan no ta obedece e prome Mandamento di Dios Tata cu ta bisa: "Di

stima bo Senyor y bo Dios di henter bo curason, di henter bo alma, di henter bo ser y di henter bo sentir y mas cu tur cos den mundo." Stima Dios ta significa, di aleha bo mes di tur actividadnan y di fiestan pagano.

Den Bijbel Efesionan 5: 7 - 14; Dios Tata ta bisa: "No mete boso cu hendenan den scuridat. Bosonan ta lus den Senyor. Comporta boso manera yiunan di lus. E frutanan di lus ta, bondad, husticia y berdad di tur forma. Busca di haci loke ta gustoso na Senyor y no participa den actonan inutil di hendenan cu ta biba den scuridat, pero trece nan na claridad. Loke e hendenan aki ta

haci den scuridat, ta hopi berguensa di menciona. Ma tur esnan cu ta den scuridat, nan lo wordo aclaria pa medio di esnan cu ta den claridad di lus." Corda bon, cu nos tur ta tempel di Dios Spirito Santo cu ta biba den cada un di nos. P'esey no ofende bo Senyor y bo Dios, cu bo pikanan di ignorancia.

Den Bijbel 2 Tesselonicensenan 1: 8-9; "Den vlamnan di candela pa castiga esnan cu no ta reconoce Dios y na esnan cu no ta obedece na Evangelio di nos Senyor. Nan lo paga pa esey cu perdicion eterno lew for di presencia di Senyor y for di Su poder glorioso." Scirbi pa Seferino Tromp


PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - October 19, 2025		
CATOCCHI Sorteo # 4777 5925 1407 7104	LOTTO 5 Sorteo # 0x Jackpot 0x Match 4+ 0x Match 4 0x Afl. 12.00 190.000,-	Joker Letter Proximo Jackpot 190.000,-
x2 BIG 4 Sorteo # 4777 6363	LOTTO DIA Sorteo # 5933 0x Jackpot 8x Match 4 116x Afl. 8.00 70.000,-	10-16-19-26-30 Proximo Jackpot 70.000,-
FP OFF Sorteo # 2833 9375	MEGA Sorteo # 0x Jackpot 0x match 4 0x Afl. 500.00 0x Afl. 50.00 0x Afl. 15.00 350.000,-	Mega Ball Proximo Jackpot 350.000,-
ZODIAC Sorteo # 4777 1900 Aquario	MEGA Afl. 460.000,-	
LUCKY 3 Sorteo # 1651 881	KORSON Sorteo #	
x2		

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di nos ser stima:



Juan A. C. Croes
Cariñosamente yama "Ety"
*28-08-1950 - †17-10-2025

Acto di entierro lo wordo anuncia despues

LAMENTABLEMENTE ABUSO Y TRAFICACION DI HENDE TA UN FENOMENO CU TA TUMA LUGA NA ARUBA TAMBE



pa comunidad ta critico pa cu abuso y traficacion di hende y tuma accion. Ignora casonan asina no ta un opcion si kier yuda combati e fenomeno aki cu lamentablemente tambe ta pasa cu frecuencia na Aruba. Ta pa e motibo aki tambe cu Minister Dowers a introduci e maneho di regularisacion pa stranheronan indocumenta. Minister Dowers ta na altura di casonan caminda cu personanan local ta atrae stranheronan pa bin traha na Aruba cu un cantidad di promesa, pero ora yega Aruba ta hinca nan den container como vivienda, duna nan lo minimo na cuminda y paga salarionan no acorda mientras ta kita nan paspoort. Dunando nan e opcion pa legalisa y educando nan di nan derechon, e ta empodera e personanan aki pa por yuda nan mes na momento cu nan bira victima di abuso of traficacion.



Diahuebs mainta, Minister di Husticia mr. drs. Arthur Dowers, a asisti na e premiere di un pelicula cortico produci pa CMMA relaciona cu traficacion y abuso di hende. Durante e presentacion, invitadonan

por a presencia un storia di un bisiña cu ta abusa di tres dama stranhero den forma di labor erotico online. Ta cu mal presentimento, un welo cu ta biba otro banda di caminda a

detecta cosnan cu no ta normal y a inicia cu su observacion cu a culmina den dismantelacion di e operacion ilegal aki.

na demas autoridad pa inicia e investigacionnan.

Minister Dowers a subraya e importancia

E campaña di CMMA ta pa crea conscientisacion den comunidad pa tin un wowo critico riba posibel casonan di traficacion y abuso y pa meld cualkier sospecho na autoridadnan competente. Ademas e ta enfoca riba e victima cu tambe tin derecho y ta conscientisa nan tambe riba e camindanan pa cana si nan ta victima di traficacion y of abuso.

CMMA su rol ta pa haci investigacion di casonan di abuso y traficacion di hende, studia e tendencianan cu ta keda cambia y reporta esakinan

Clasificados

SOLODIPUEBLO@GMAIL.COM

CEL.585 9500